

Embargo: Hanya boleh diterbitkan atau disebarikan mulai jam 1200, Selasa, 12 Oktober 2021



KENYATAAN MEDIA

PERANGKAAN PEMBUATAN BULANAN

OGOS 2021

Nilai jualan sektor Pembuatan merekodkan RM126.5 bilion, tumbuh sebanyak 6.8 peratus pada Ogos 2021

PUTRAJAYA, 12 OKTOBER 2021 – Nilai jualan sektor Pembuatan Malaysia pada bulan Ogos 2021 berjumlah **RM126.5 bilion**, bertumbuh sebanyak **6.8 peratus** berbanding bulan yang sama tahun 2020. Sementara itu, nilai jualan ini meningkat sebanyak **5.5 peratus** berbanding dengan bulan sebelumnya yang turut dipengaruhi oleh pembukaan sektor ekonomi yang lebih luas seiring dengan peralihan fasa Pelan Pemulihan Negara (PPN). Jabatan Perangkaan Malaysia menerbitkan **PERANGKAAN PEMBUATAN BULANAN, MALAYSIA, OGOS 2021** hari ini.

Mengulas terhadap laporan tersebut, Dato' Sri Dr. Mohd Uzir Mahidin, Ketua Perangkawan Malaysia berkata, "Pertumbuhan nilai jualan pada bulan ini adalah dipacu oleh subsektor Produk Petroleum, Kimia, Getah & Plastik **(31.4%)** terutamanya dalam industri Pembuatan Kok & Produk Petroleum Bertapis. Pengembangan ini juga didorong oleh subsektor Produk Makanan, Minuman dan Tembakau **(7.0%)** yang disokong oleh industri Pembuatan Produk Makanan serta subsektor Produk Elektrik & Elektronik **(6.9%)** terutamanya dalam industri Pembuatan Komputer, Produk Elektronik dan Optikal."

Nilai jualan bagi industri berorientasikan eksport yang menyumbang sebanyak 75.3 peratus dari jumlah nilai jualan merekodkan kenaikan **14.3 peratus (RM95.2 bilion)** manakala industri berorientasikan domestik mencatatkan kejatuhan sebanyak **10.8 peratus** pada Ogos 2021 berbanding bulan yang sama tahun 2020. Pertumbuhan nilai jualan bagi industri berorientasikan eksport adalah selari dengan pertumbuhan dua digit yang dicatatkan bagi eksport perdagangan luar negeri serta faktor harga yang kekal memberangsangkan. Bagi perbandingan bulan ke bulan, industri berorientasikan eksport dan domestik masing-masing merekodkan pertumbuhan positif **3.5 peratus** dan **12.2 peratus**.


Dato' Sri Dr. Mohd Uzir Mahidin juga berkata jumlah pekerja sektor Pembuatan pada bulan Ogos 2021 adalah seramai **2,213,715 orang**, meningkat **1.0 peratus** berbanding 2,190,787 orang pada Ogos 2020. Peningkatan ini disumbangkan oleh Produk Elektrik & Elektronik (**4.3%**) dan Produk Petroleum, Kimia, Getah & Plastik (**1.8%**).

Laporan tersebut juga menyatakan jumlah gaji & upah yang dibayar adalah berjumlah **RM7,230.1 juta**, meningkat **1.7 peratus** atau **RM117.5 juta** pada Ogos 2021 berbanding bulan yang sama tahun sebelumnya. Di samping itu, nilai jualan per pekerja meningkat **5.7 peratus** kepada **RM57,160** berbanding bulan yang sama tahun 2020 (Ogos 2020: RM54,066). Sementara itu, purata gaji & upah setiap pekerja adalah sebanyak **RM3,266** pada bulan Ogos 2021.

Bagi tempoh Januari hingga Ogos 2021, nilai jualan sektor Pembuatan bertambah **15.5 peratus** kepada **RM992.4 bilion** berbanding tempoh yang sama tahun 2020. Bilangan pekerja dan gaji & upah masing-masing mencatatkan pertumbuhan sebanyak **1.0 peratus** dan **2.3 peratus** iaitu berjumlah **2.21 juta orang** dan **RM59.2 bilion**. Nilai jualan per pekerja bagi lapan bulan pertama tahun 2021 turut bertumbuh **14.3 peratus** kepada **RM448,314**.

Banci Penduduk dan Perumahan Malaysia 2020 (Banci Malaysia 2020) masih dilaksanakan di seluruh Negara sehingga 31 Oktober 2021 secara bersemuka dengan pematuhan Standard Operating Procedure (SOP) yang telah ditetapkan oleh Majlis Keselamatan Negara (MKN). Aktiviti Semakan Kualiti (QC) dan Penyiasatan Liputan Banci (PES) akan dilaksanakan pada November dan Disember 2021. Semua penduduk Malaysia diseru untuk memberikan kerjasama dalam menjayakan Banci Malaysia 2020 bagi memastikan tiada yang ketinggalan kerana "Data Anda Masa Depan Kita". Sila layari portal Banci Malaysia 2020 di www.mycensus.gov.my atau media sosial @MyCensus2020 untuk maklumat lanjut.

Carta 1: Pertumbuhan Nilai Jualan Sektor Pembuatan, Tahun ke Tahun (YoY) dan Bulan ke Bulan (MoM), Januari 2020 – Ogos 2021



PEJABAT KETUA PERANGKAWAN MALAYSIA

JABATAN PERANGKAAN MALAYSIA

12 OKTOBER 2021

Embargo: Only to be published or disseminated at 1200 hour, Tuesday, 12 October 2021



MEDIA STATEMENT
MONTHLY MANUFACTURING STATISTICS
AUGUST 2021

Malaysia's Manufacturing sales recorded RM126.5 billion, increased by 6.8 per cent in August 2021

PUTRAJAYA, 12 OCTOBER 2021 - Malaysia's Manufacturing sales in August 2021 stood at **RM126.5 billion**, grew **6.8 per cent** as compared to the same month in 2020. Meanwhile, the sales value increased by **5.5 per cent** as against the previous month which was also influenced by the opening of more economic sectors in line with the transition phase of the National Recovery Plan (NRP). The Department of Statistics Malaysia published the **MONTHLY MANUFACTURING STATISTICS, MALAYSIA, AUGUST 2021** today.

Commenting on the report, Dato' Sri Dr. Mohd Uzir Mahidin, Chief Statistician Malaysia, said "The growth in sales value for this month was driven by the Petroleum, Chemical, Rubber & Plastic Products subsector (**31.4%**) especially in the Manufacture of Coke & Refined Petroleum Products industries. The expansion was also attributed by the Food, Beverages & Tobacco subsector (**7.0%**) supported by the Manufacture of Food Products industries as well as the Electrical & Electronics Products subsector (**6.9%**) mainly in the Manufacture of Computer, Electronic and Optical Products industries."

Sales value for export-oriented industries which accounted for 75.3 per cent of total sales value recorded an increase of **14.3 per cent (RM95.2 billion)** while domestic-oriented industries posted a decline of **10.8 per cent** in August 2021 as compared to the same month in 2020. The growth of sales value for export-oriented industries was in line with the double-digit growth registered in the external trade exports and the price factors that remain favourable. On month-on-month comparison, export and domestic-oriented industries recorded positive growth of **3.5 per cent** and **12.2 per cent** respectively.


Dato' Sri Dr. Mohd Uzir Mahidin added that the total employees engaged in the Manufacturing sector in August 2021 was **2,213,715 persons**, an increase of **1.0 per cent** as compared to 2,190,787 persons in August 2020. The increase was contributed by the Electrical & Electronic Products (**4.3%**) and Petroleum, Chemical, Rubber & Plastics Products (**1.8%**).

The report also stated that salaries & wages paid amounted to **RM7,230.1 million**, increased by **1.7 per cent** or **RM117.5 million** in August 2021 as against the same month of the preceding year. Besides that, the sales value per employee increased by **5.7 per cent** to record **RM57,160** as compared with the same month in 2020 (August 2020: RM54,066). Meanwhile, the average salaries & wages per employee was **RM3,266** in August 2021.

For the period of January to August 2021, the sales value of the Manufacturing sector increased by **15.5 per cent** to **RM992.4 billion** as compared to the same period in 2020. The number of employees and salaries & wages recorded a growth of **1.0 per cent** and **2.3 per cent** respectively, **2.21 million persons** and **RM59.2 billion**. Sales value per employee for the first eight months of 2021 also grew **14.3 percent** to record **RM448,314**.

The Malaysia Population and Housing Census 2020 (Malaysia Census 2020) is ongoing nationwide until 31st October 2021 through face-to-face method with the compliance of Standard Operating Procedure (SOP) implemented by Majlis Keselamatan Negara (MKN). The process of Quality Check (QC) and Post Enumeration Survey (PES) will be conducted subsequently in November and December 2021. All Malaysian residents are urged to cooperate in realising the success of Malaysia Census 2020 to ensure that no one is left behind because "Your Data is Our Future". Please visit the Malaysia Census 2020 portal at www.mycensus.gov.my or social media @MyCensus2020 for more info

Chart 1: Growth of Sales Value of the Manufacturing Sector, Year-on-Year (YoY) and Month-on-Month (MoM), January 2020 – August 2021



THE OFFICE OF CHIEF STATISTICIAN MALAYSIA

DEPARTMENT OF STATISTICS MALAYSIA

12th OCTOBER 2021